



UNIVERSITÄTS-  
BIBLIOTHEK  
PADERBORN

## **Regvlæ Societatis Iesv**

**Angeli, Bernardo d'**

**Romæ, 1616**

Regulæ eorum, qui in missionibus versantur.

---

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)



# REGVLAE

EORVM QVI IN MISSIONIBVS

versantur .

Scopus So- I  
cietatis .  
In decl. proce.  
4. p. lit. A. &  
p. 6. c. 3. §. 5.



Vm scopus , ad quem tendit  
Societas fit , varias mundi  
partes , ex obedientia Sum-  
mi Pontificis , vel Superio-  
ris Societatis peragrando ,  
verbum Dei prædicare , con-

fessiones audire , & reliquis quibuscunque po-  
terit medijs vti ad animas , diuina aspirante  
gratia , iuuandas ; quicumque in huiusmodi  
missionibus versantur , sibi persuadeant , rem  
maximi ponderis in Societate sibi commis-  
sam esse , atque ita se comparare studeant , vt  
apta Dei instrumenta ad rem tantam esse  
possint .

Indifferentia. 2 Quia vocationis nostræ est vitam age-  
re in quauis mundi plaga , vbi maius Dei ob-  
& p. 7. c. 1. §. sequium , & animarum auxilium speratur ;  
I. & c. 4. §. 1. vnusquisque paratus esse debet , vt in ea vi-

nez

nez Christi parte; atque opere se exercent, quod ipsi commissum fuerit, siue per varia loca discurrendo, siue in quibusdam continenter residendo.

3 Vnusquisque plenam in his, ac liberam sui dispositionem Superiori, qui eum Christi loco dirigit, relinquat: poterit tamen motus animi, aut cogitationes, quæ in contrarium occurrunt, illi proponere, subiiciendo suum sentire, & velle ei, quod ipse in Domino iudicauerit.

P. 7. c. 2. §. 7.  
Liberam sui dispositionem.  
Ibid. lit. k.

4 Ei, qui mittendus erit plurimum conueniet, vt intelligat à Superioribus scopum suæ missionis, & effectum, cuius gratia mittitur; id quod in scriptis, si fieri potest, habere curabit.

Finem missionis à Superioribus intelligat.  
P. 7. c. 1. §. 5.

5 Cum oppidatim missi fuerint ad fructificandum in agro Domini, dabunt operam, quoad fieri poterit, vt more pauperum Euangelium prædicent: proinde & pedites, vel in toto, vel in parte iter facient, si eos Superior id præstare posse iudicauerit; & ex elemosynis, vel oblatis, vel cum ædificatione emendicatis viuent; nisi alia ipsis à Superiore sustentationis ratio sit constituta.

P. 7. c. 2. lit. G.  
Modus seruandus cum oppidatim mittuntur.  
Can. 12. cong.

6 Si nullum eis à Superiore designatum fuerit hospitium, intelligant sibi ad aliquod hospitale, tanquam ad hospitium pauperum esse diuertendum; si tamen honestum id sit,

Ad quos diuertendum.

O a atque

atque ad exercenda ex eo ministeria Societatis accommodatum : alio qui conuenientius erit, vt in domum pij alicuius, & exemplaris Ecclesiastici, aliumve eiusmodi locum se recipiant, in quo cum ædificatione manere possint.

*Ordinarium priuū adeant.* 7 Cum ingressi fuerint loca ea, in quibus Ordinarij resident, eos quam primum adeant suamque operam illis submitte offerant, & facultatem ad exercenda Societatis ministeria modeste, ac religiose petant : eosque omnes tam Ecclesiasticos, præcipue Parochos, quam seculares, quorum auctoritate, aut fauore opus habent, beneuolos sibi facere studeant.

*Agnoscat qui eos iuuare possunt.* 8 Cum eo peruenerint, vbi diutius immorari debent, prudenter, ac mature operam dabunt, vt notitiam habeant probatorum virorum, & pietate, ac rebus agendis, insigniorum, quorum informatione, vel auxilio iuuari possint ad ministeria Societatis maiore cum fructu animarum exercenda.

*P.7.c.2.lit.M &c.4. § 3. Orationes pro missionibus.* 9 Qui in missione Superior erit, initio suscipiendorum operum, vel quando maior subsidij necessitas cernitur (quod res magni momenti sint, vel difficultates graues incidant) applicabit, curabitque applicari Missas, & orationes, vt omnia cedant ad maiorem Dei gloriam, & proximorum utilitatem.

*P.7.c.3. §.2.* 10 Si ijs, qui mittuntur, non fuerit iniun-

iniunctum, vt medio aliquo vtantur limita-  
to, quale esset, vel legere, vel prædicare &c.  
in ijs tantum se exercebunt, quibus Societas  
vti solet, iuxta Constitutiones: conferre ta-  
men illa cum eo Superiore, qui eis propior  
fuerit, semper erit securius.

In quibus se  
exercebunt.

Ibid. lit. A.

11 Media spiritualia, quibus iuxta in-  
stitutum Societatis, & beneplacitum Supe-  
rioris vti poterunt, fere sunt ministerium,  
verbi Dei in prædicationibus, sacris lectio-  
nibus, priuatise exhortationibus, & collo-  
quijs; Sacramentorum Confessionis, & Eu-  
charistiæ administratio, Exercitiorum spiri-  
tualium traditio, dissidentium reconciliatio,  
casuum conscientia ad Ecclesiasticos, eo-  
rumque officij magis priuata explicatio, &  
Christianæ doctrinæ ad pueros, ac alios ru-  
des publica declaratio.

P. 4. c. 8. & p. 7  
c. 4.

Quibus medi  
js spiritualib.  
vtentur.

12 Corporalibus etiam pietatis operi-  
bus, quantum spiritualia permittent, & vi-  
res patientur, incumbere poterunt, vt infir-  
mos, præcipue in Xenodochijs, per se, vel  
per alios iuuando, & pauperes, ac in custo-  
dijs detentos, quatenus licebit, eodem mo-  
do subleuando.

P. 7 c. 4. S. 9.

Corporalibus  
pietatis operi-  
bus vacandū.

13 Etsi certus ordo in nostris ministerijs  
exercendis præscribi non potest; plerunque  
tamen vtilius erit, & securius ab humiliori-  
bus inchoare, vt à doctrina Christiana pue-  
ris explicanda, ab ægrotis hospitalium inui-

Ab humiliori-  
bus ministe-  
rijs inchoan-  
dum.

sendis, eorumque, & aliorum magis indigentium confessionibus audiendis.

*Diuina media præcipue adhibenda.* 14. Quamquam humana media non solum spernenda non sunt, sed etiam cum opus est, prudenter, & religiose adhibenda; diuinis tamen, & nostri instituti magis proprijs præcipue vtendum est, in eisque magis fidentum, orandusque Deus, vt ijs omnibus det eam efficaciam, quæ sit proposito fini consequendo necessaria.

*Omnibus omnia fiant.* 15. Iuxta eam caritatis regulam, quæ se Apostolus omnia omnibus faciebat, vt omnes lucrifaceret, expedit nonnunquam vt ingenio eorum, cum quibus agent initio se attemperent (quatenus ratio, & virtus ferent) ita tamen, vt meminerint ad id tandem eos cum Dei gratia perducere, quod illis in Domino magis conferre iudicabunt.

*Animi magnitudo.* 16. Eam animi magnitudinem, & æqualitatem retinere studeant, vt & prosperis successibus, & aduersis superiores sint; quo nullo euentu fracti, nec religiosæ modestiæ, nec sanctæ libertatis, nec bonæ de se conceptæ existimationis, quæ ad fructum colligendum necessaria est, quicquam amittant.

*P. 10. lit. B. Quid cū male affectis erga Societatem faciendum.* 17. Si quos erga se, aut Societatem male affectos esse intellexerint (præsertim non vulgaris auctoritatis homines) aut qui nostra ministeria impediunt, non solum pro eis orabunt; sed etiam conuenientem aliquam ratio-

rationem inibunt, vt eos amicos, aut saltem non aduersarios faciant. Ad quam rem non parum conferet, si data occasione, Instituti nostri rationem illis exponant, nullumque officij genus prætermittant, quo illos, cum opportunum fuerit, syncere, ac religiose demereri, & conciliare possint.

18 Si quando prælatum aliquem in visitanda diœcesi comitabuntur, nihil se in negotijs ad visitationem spectantibus, alijsve id genus ad iurisdictionem pertinentibus immisceant: sed ijs tantum ministerijs attendât, quæ sunt nostri instituti propria.

P.4.c.11. §.3  
Alienis à nostro instituto ne se implicent

19 Quamuis optare debeant, vt in sua quisque vocatione proficiat, æquumque est, vt pro suo munere ad eam rem omnes hortentur; nullam tamen reformandi Cleri, aut Monialium, aliorumve Religiosorum curæ partem admittant: sic enim fiet, vt & munus suum sine impedimento exequi, & populum ad vberiore fructum ex visitatione percipiendum sine offensione disponere possint.

Nullam reformandi Cleri, curam admittant.

P.6.c.3. §.5.

20 Cum præter id, quod eis fuerit peculiari ratione iniunctum, res aliqua diuini seruitij se obtulerit, in qua possint sine detrimento suæ missionis suam operam ponere; opportunitatem, quam Deus ad eam dederit, quantum in eodem conuenire iudicabunt, è manibus elabi non sinent.

P.7.c.1. §.7.  
Occasiones diuini seruitij non omittant.

- P.7. c.1. §.7. Excurſiones facere licebit. 21 Si in locis designatis diutius residentum erit, locumque dederint præcipua negotia (quæ nunquam propter alias occasiones, licet bonas, Diuini obsequij post habebunt) excursions aliquas facere, si eas cum fructu fore iudicabunt, non erit inconueniens.
- Congregationibus statuta non condent. 22 Sine facultate Superioris nulli Congregationi, Congregationiue statuta condent, seu vetus illa sit, seu noua instituenda videatur. De noua autem instituenda, & quæ nullibi sit in usu, non prius agent, quam Superiorem consulant.
- Quomodo expta constituent. 23 Quæ Deo auctore perficient, ea quantum licebit, ita constituent, vt stabilia sint, & diu durare possint. Quod facilius obtinebunt, si res conuenienti ordine disponant, earumque bonum progressum ijs commendent, quorum exemplo, auctoritate, studio, & diligentia, facile conseruari, & promoueri possint.
- Can.28. Cōgreg. 2. p. 7. c.2. §.2. Quoties, & ad quem scribendum. 24 Scribent ad eum, quem designauerit ille, à quo missi sunt, singulis hebdomadis, vel quoties ipsis fuerit constitutum; & quantum fieri potest, totius successus eum certior reddant, quemadmodum personæ, & negotia exegerint, vt consilio, & alijs auxilijs iuari possint.
- P.3. c.1. §.20. Propriæ perfectionis sint memores. 25 Cum propter nullas occupationes intermittendū sit propriæ perfectionis studium, diligenter animaduertant, ne prætextu procuran-

curandæ aliorum salutis, propriæ perfectionis obliuiscantur, ipsamque propriam salutem, ea ratione in discrimen adducant: sed sæpe illud Domini mente reuoluant, Quid prodest homini, si vniuersum mundum lucretur, animæ vero suæ detrimentum patiatur? sibi que illud D. Pauli vnusquisque dictum existimet, Attende tibi, & doctrinæ, insta in illis: hoc enim faciens, & te ipsum saluum facies, & eos qui te audiunt.

26 Hanc ob rem caueant, ne consueta in Collegijs, ac Domibus orandi, & examinandæ conscientiæ exercitia imminuant, nisi si quando necessitas, aut in euentu aliquo caritas aliud faciendum postulare. Conuersationem cum secularibus nimiam nõ habeant, aut incautam, aut quæ secularem sapiat; sed in omnibus se integritatis, & grauitatis exemplum præbeant: atque in summa Regularum Societatis, siue earum, quæ omnibus communes sunt, siue quæ ipsorum officij propriæ, quantum locus patitur, obseruationem, non prætermittant.

27 Præter hæc, si pro ratione diuersarum regionum, & missionum qualitate, alia quædam à Superioribus constituenda videbuntur; ea in peculiaribus instructionibus addita, pari diligentia obseruanda erunt.

Spiritualia in Collegijs consueta non imminuant.

P. 7. c. 4. S. 2.

P. 7. c. 2. S. 2.  
Instructiones insuper obseruandæ.